

Enhed Qitiusumik Inunnik Nalunaasuisarneq pillugu inatsisip allangortinneqarnera  
Sagsbehandler pillugu peqqussutip naalisarnera (CPR pillugu inatsit)

## 1. Aallaqqaasiut

Kunngip peqqussutaatigut nr. 1198, 29. november 2006-imeersukket Qitiusumik Inunnik Nalunaasuisarneq pillugu inatsit 1. januar 2007-imi atuutilersumik Kalaallit Nunaannut atuutilersinneqarpoq (CPR pillugu inatsit).

CPR pillugu inatsit kingorna arlaleriarluni allangortinneqartarpoq. Piffissami 1. januar 2007-imiit kiisalu inatsit nr. xx, xx april 2015-imeersup akuersissutigineqarnera tikillugu allangguutit eqqarsaatigalugit 2015-imi upernaakkut ataatsimiinnermi aalajangiussassatut siunnersuut UPA 2015/79 innersuussutigineqarpoq.

Allangguutissamut peqqussutissamut missingiutikkut matumuuna CPR pillugu inatsisip allangortinneqarnissaa pillugu inatsit nr. xx, xx april 2015-imeersoq (Inuit ataqqinassutsimut attuumassuteqartumik imaluunniit inooqatigiinnermut attuumassuteqartumik il.il. inuttut qunusaagaasut najugaasa immikkut ittumik illersugaanissaat) Kalaallit Nunaannut ilaatigut atuutilersinneqarpoq, Kalaallit Nunaanni pissutsit pisariaqartitaannik allangguutitalerlugu. Erseqqinnerusoq pillugu imm. 2 takuuk.

## 2. Kalaallit Nunaanni inatsisinut atuuttunut naleqqiullugu allangguutit pingaaruteqartut

Inuup ataqqinassutsimut attuumassuteqartumik imaluunniit inooqatigiinnermut attuumassuteqartumik aaqqiagiinninnernut atatillugu inuttut qunusaagaasup, politiit tamanna pillugu allakkatigut nalunaaruteqarneratigut kommunimi aalajangersimasumik najugaqanngitsutut innuttaasup kommunimi najugaqarfiani kommunalbestyrelsimit nalunaarsugaanissaa aalajangerneqarpoq, naak pineqartoq najugaqaraluartoq imaluunniit aalajangersimasumik sumiiffeqarluni, najukkap nalunaarsugaanissaanut CPR pillugu inatsimmi § 6, imm. 1-imi 2-milu aalajangersakkat nalinginnaasut malillugit najugaqartut CPR-imi nalunaarsugaasussaagaluartoq.

Pineqartup najugaqarfiviata imaluunniit aalajangersimasumik sumiiffiata CPR-imi takuneqarsinnaannginnera, taamaasillunilu pisortat oqartussaasuinut allanut, najukkat pillugit paasissutissanik CPR-imit pisartunut tunniunneqarsinnaannginnera, pineqartup aalajangersimasumik najugaqanngitsutut CPR-imi nalunaarsugaanerata kingunerissavaa. Innuttaasup pineqartup kommuni attuumassuteqarfia CPR-imi takuneqarsinnaassaaq, inuit allat tamaasa aalajangersimasumik najugaqanngitsutut CPR-imi nalunaarsugaasut assigalugit. Inuit najukkamik immikkut ittumik illersugaasut aqqusinermut qaffasissumik ilisarnaasigaasumut erseqqinnerusumik taaneqartumut CPR-imi nalunaarsorneqassapput.

Innuttaasumut aalajangersakkamut ilaasutut isigineqartumut, najukkap immikkut ittumik illersugaanissaata aallartinneqarnissaa politiit aalajangertarpaat. Taamaasilluni najukkap immikkut ittumik illersugaanerata aallartinneqarsinnaanera politiit pisuni ataasiakkaani aalajangersimasumik nalilertarpaat,

taamaasillunilu innuttaasoq ataqinassutsimut attuumassuteqartumik imaluunniit inooqatigiinnermut attuumassuteqartumik aaqqiagiinninnermut atatillugu inuttut qunusaagaasoq politiinut saaffiginissaaq, najukkap immikkut ittumik illersugaanerata aallartinneqarsinnaanerata isummerfigineqarnissaa siunertaralugu<sup>11</sup>.

Suliniutip nuunnermut atatillugu aallartinneqarnissaa piumasaqaataavoq. Illersuineq pitsaanerpaaq nalinginnaasumik anguneqartarpoq, kommunimut allamut nuunnermut atatillugu najukkap immikkut ittumik illersugaanera aallartinneqarpat, kommunilli iluani najukkamut allamut nuunnermut atatillugu illersuineq aamma aallartinneqarsinnaavoq. Najukkap immikkut ittumik illersugaanera – pissusiviusumik illersuisinnaassaguni – CPR pillugu inatsimmi § 28, imm. 1 malillugu atit najukkallu nalinginnaasumik illersugaanerannik akoqartinneqartariaqarpoq, taannalu pisuni immikkut ittuni ukioq ataaseq sinnerlugu atuuttussanngortinneqarsinnaasarpoq<sup>22</sup>.

Politiit illersuinerup aallartinneqarnera pillugu kommunimi najugaqarfiusumi kommunalbestyrelsimut nalunaaruteqarnerminnut atatillugu innuttaasup najugaqarfivia imaluunniit aalajangersimasumik sumiiffia kommunalbestyrelsimut ilisimatitsissutigissavaat. Immikkut ittumik suleqatigiinnut, kommunalbestyrelsip sulianik taamatut ittunik suliaqartussatut toqqassallugit aalajangersinnaasaannut nalunaaruteqartoqarnissaa kaammattuutigineqarpoq – suleqatigiilli taamatut ittut pigineqanngippata – kommunip innuttaasunik sullissiviani pisortamut imaluunniit kommunip ingerlatsiviani assigisaanik aqutsisutut sulisumut nalunaaruteqartoqassalluni.

Innuttaasup najugaqarfivia pillugu paasisstissat oqartussanit, ilanngullugu innuttaasup pineqartup kommuni najugaqarfianit qanoq passunneqarnissaat aalajangersakkami maleruagassaqqanngilaq.

Illersuinerup angusaqarfiulluarnissaa qulakkeerniarlugu, innuttaasup najugaqarfiviata kommunimi sulisunit sapinggisamik ikinnerpaanit ilisimaneqalernissaa kommunimi najugaqarfiusumi kommunalbestyrelsimut isumagineqarnissa pingaaruteqarpoq. Najugaqarfiuvissup angusaqarfiulluurtumik illersornissaanut ilaatigut innuttaasup najugaqarfiviata qarasaasiatigut atuisut amerlaqisut iserfigisinnaasaasigut takuneqarsinnaannginnissaata kommunalbestyrelsimut isumagineqarnissaa pisariaqarpoq.

Aalajangiinnermut, kommunalbestyrelsip aalajangigassaanut atatillugu, soorlu innuttaasoq tapiissutitut aalajangersimasanut pisinnaatitaaffeqarnerasoq pillugu, innuttaasup najugaqarfiviata ilisimanissaa pisariaqarsinnaavoq. Aammattaaq meeraqaraanni, meeqqat kommunip ulluunerani paaqqiniffiitut tiguneqarnerannut atatillugu pisariaqarsinnaavoq. Ilanngullugulu kommunip suliniutai aalajangersimasut aatsaat piviusunngorsinnaapput, innuttaasup najugaqarfivia kommunip ilisimappagu tikissinnaallugulu, soorlu innarlutilinnut suliniutit immikkut ittut angerlarsimaffimmi aallartinneqassappata, imaluunniit meeraaqqerinnermut atatillugu angerlarsimaffimmut pulaartoqassatillugu.

Taamaattumik najukkap pisariaqartumik ilisimaneqarnissaanut kommunalbestyrelsi isummertariaqarpoq, pisariaqarpallu tamatuma qanoq ililluni kommunimi suliarineqarnissaa pillugu maleruagassanik erseqqinnerusunik suliaqarluni, soorlu aamma najukkap pisariaqarpat ilisimatitsissutiginnissaata isummerfiginnissaanut inuk najukkamik immikkut illersugaasoq akuutittussaallugu<sup>33</sup>.

Tamatuma saniatigut najukkap immikkut ittumik illersugaanerata aallartereeranera kingorna, taamaassappat kommunip iluani nuunnermi kommunimullu allamut nuunnermi suliamik suliarinninnermut

---

1 CPR pillugu inatsisip allanngortinneqarnissaa pillugu inatsit nr. xx, xx april 2015-imeersoq pillugu inatsisissatut siunnersuummi L 145-mi immikkoortoq 3.1.3.1.-imi oqaaseqaatit nalinginnaasut innersuussutigineqarput.

2 CPR pillugu inatsisip allanngortinneqarnissaa pillugu inatsit nr. xx, xx april 2015-imeersoq pillugu inatsisissatut siunnersuummi L 145-mi immikkoortoq 3.1.3.2.-imi oqaaseqaatit nalinginnaasut innersuussutigineqarput.

3 CPR pillugu inatsisip allanngortinneqarnissaa pillugu inatsit nr. xx, xx april 2015-imeersoq pillugu inatsisissatut siunnersuummi L 145-mi immikkoortoq 3.1.3.3.-imi oqaaseqaatit nalinginnaasut innersuussutigineqarput.

maleruagassat aalajangersakkami aalajangersarneqarput, kiisalu meeqqat aalajangersakkami oqaaseqatigiit siulliit malillugit najukkap immikkut ittumik illersugaanerani aallartitsivineqarsimangitsut, kisiannili angajoqqaamik oqaaseqatigiinnut siullernut ilaasumik najugaqateqartussat pillugit illuatungeriinnik tusarniaanermut nalunaarsuinernullu maleruagassat aalajangersarneqassallutik. Naggataagullu immikkut ittumik illersuinerup atorunnaarsinneqarnissaa aalajangersakkami maleruagassaqartinneqarpoq.

Innuttaasoq § 6, imm. 6, oqaaseqatigiit siulliit malillugit aalajangersimasumik angerlarsimaffeqanngitsut kommunalbestyrelsip nalunaarsorpagu, CPR pillugu inatsit malillugu aalajangiisoqassanngilaq, taamaattumillu CPR pillugu inatsimmi § 56 malillugu naammagittaalliuteqartoqarsinnaanani. Kommuni oqartussanit allanit nalunaaruteqartoqarnera tunngavigalugu paasissutissanik CPR-imut ilanngussippat, CPR pillugu inatsit malillugu aalajangiisoqannginnera tamatumunnga tunuliaqutaavoq. Akerlianilli najukkap immikkut ittumik illersugaanerata aallartinneqarnerani imaluunniit atorunnaarsinneqarnerani aalajangineq politiiit aalajaneraneqartoq Rigspolitiinut naammagittaalliutigineqarsinnaavoq.

Meeraq aalajangersakkami oqaaseqatigiit arfernat malillugu aalajangersimasumik angerlarsimaffeqanngitsut nalunaarsorneqarpat, CPR pillugu inatsit malillugu aalajangiisoqassaaq, tamannalu CPR pillugu inatsimmi § 56 malillugu naammagittaalliutigineqarsinnaavoq.

#### **4. Atuutilersitsineq il.il.**

Peqqussutip 1. januar 2016-imiit atuutilernissaa siunnersuutigineqarpoq, allannguutissat peqqussummut missingiutip, UPA2015/79-itut aalajangiussassatut siunnersuutitut suliarineqartup atuutilerfissaatut naatsorsuutigineqartup peqatigisaanik.